



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Francisci Baconi Baronis de Verulamio, Vice-Comitis S.
Albani, Summi Angliæ Cancellarii, Opera omnia, Quæ
extant: Philosophica, Moralia, Politica, Historica ...**

Bacon, Francis

Francofvrti ad Moenvm, 1665

Index Vocabularoum Hac Historia Contentorum, Quæ Anglis Sunt
Peculiariora.

urn:nbn:de:bvb:12-bsb10497643-5

per frequentes è periculis Emeriones, (qua subitis eum Remedijs fidere docuerant,) versa est potius in Dexteritatem quandam, seipsum è malis, quando ingruerent, extricandi, quam in providentiam, illa ex longinquo arcendi, & summovendi: Sed & Indole propria, Oculi Mentis ejus, non ab similes erant, Oculis quorundam Corporalibus: Qui ad objecta prope sita validi sunt, ad remotiora infirmi. Prudentia enim ejus occasione ipsa subito suscitabatur: Atq; eo magis, si Occasioni accesserit Periculum. Atq; hac Fortuna in Naturam suam potius; nec deerant rursus qua Natura sua Fortunæ suæ imposuit. Nam si hoc tribuendum sit Providentiæ ejus Defectus, Aut in rebus, quas decreverat, Pertinacia: Aut suspitionibus, qua aciem Mentis ejus perstringebant: vel quicquid aliud in causa fuit: certum est, Fortunæ suæ perturbationes continuas, (præsertim nulla violenta occasione subnixas,) exoriri non potuisse, absq; aliquibus in Natura sua Impedimentis, & Erroribus in Constitutione Animi sui radicali. Quæ necesse habuit, salvare & emendare, per mille pusillas Industrias, & Artes: verum illa omnia aperiens se producit in Historia ipsa. Veruntamen, intueamur licet eum, cum Defectibus suis omnibus, si quis eum cum Regibus, in Gallia, & Hispania, contemporaneis suis, conferat; Reperiet eum, Ludovico Duodecimo Galliarum Regi, Prudentia civili, & Ferdinando Hispaniarum, Fide & Candore, anteponi debere. At si Ludovicum Duodecimum demas, & Ludovicum Undecimum, qui paulo ante regnavit, substituas: magis convenient Exempla, ferentque verius Parallela. Illi enim tres, Ludovicus, Henricus, & Ferdinandus pro Tribus Magis conferri possunt, inter illius Ætatis Principes. Ut verbo concludamus, Si Rex iste, res majores non gessit, in causa ipse fuit sibi: Quicquid enim suscepit, perfecit. Corpore erat Henricus decore, Statura justa paulo procerior, erectus, & Membrorum compage

bona, sed gracilis. Vultus erat talis, qua Reverentiam incuteret, & aspectum Viri Ecclesiastici aliquantum referret. Et sicut minime erat obscuro aut superciliosus, ita neq; blandus aut Conciliator: Sed tanquam Facies hominis Animo compositi & quieti: Sed non commoda Pictori; Gratiofior scilicet facta cum loqueretur.

Hujus Regis Dignitas præcellens pati possit, ut memorentur Narrationes quæpiam, qua ei Divinum aliquid imponant. Cum Matris ejus Margareta, Fœmina raris virtutibus ornata, Nuptias Multi Proci ambirent; visa est videre in Somniis, Virum quendam Episcopo similem, habitu Pontificali, tradere ei in manum, Edmundum Comitem Richmondia, Henrici Patrem, pro Marito. Neq; illa, Liberos unquam alios concepit, præter Regem, licet tribus Maritis nupta: Quodam etiam die Fæsto, cum Henricus Sextus (cui Innocentia Sanctitatem astruebat,) à prandio lavaret, oculosq; in Henricum, tunc Adolescentulum, conjiceret, dixit: Adolescens iste, Coronam, pro qua nos confligimus, pacifice tandem possidebit. Sed quod vere in eo divinum censevi possit, hoc fuit: Quod non minus Fortunam boni Christiani, quam magni Regis sortitus sit. Vita exercitata, Morte penitenti. Ita ut non magis in Mundanis, quam Spiritualibus, Victor triumphaverit; & Militia ei in Conscitibus, tam Peccati, quam Crucis, prospere cesserit.

Natus est, apud Castrum Pembrochia, Sepultus apud Westmonasterium, in Monumento, inter opera Europæ, pulcherrimo, & elegantissimo, siue Capellam spectes, siue Sepulchrum. Adeo ut magnificentius jam, in Sepulchri sui Monumento, habites mortuus, quam vivus, aut Richmondia, aut in alio quopiam Palatio suo, habitaverat. Optaverim ut idem ei contigisset, in hoc Famæ suæ Monumento.

FINIS.

INDEX VOCABULORUM HAC HISTORIA CONTENTORUM, QUÆ ANGLIS SUNT PECULIARIA.

- P**rotektor: Regens durante minore ætate Regis 998
Rosa Alba: Erant in Anglia dua Familia, qua de Regno contenderunt: altera Eboracensis, qua insignia gerebat Rosa Alba; altera Lancastriensis, qua Rosa Rubra. 999
Comitia: Convæntus Ordinum Angliæ; videlicet, Prælatorum, Procerum, & Communitatis Regni: ex quorum consilio, Rex Leges sancit, Pecuniis instruitur, & alia magni momenti transigit. Ea Comitia interdum appellantur Comitia Parliamentaria, interdum Parliamentum ibid.
Turris Londinensis: Castellum amplum, in quo continetur, Palatum Regium, & Carcer ubi in carcerantur Proditores, & alij Criminum atrocium rei ibid.
Eques Auratus: Ordo Equitum, qui à Rege, aut ejus locumtenente, creantur, & calcariibus auratis ornantur 1000
Comitatus: Provincia, vel portio Regni integralis, ad magis commodam administrationem iustitiæ & Militiæ ibid.
Crux Divi Pauli: Suggestum in Cæmeterio Divi Pauli, ubi conciones sacra habentur ibid.
Major Londinensis: Præfectus annuus urbis, seu Prætor Urbanus 1001
Fraternitates Civitatis: Collegia, siue Societates Mercatorum, & Artificum ibid.
Equites Vexillarii, siue Baneretti: Creantur isti sub vexillo Regis expanso, post Prælia 1002
Baro: Nomen dignitatis ad quam erecti habent jus suffragii: in superiori consessu Ordinum, alijs privilegijs hanc paucis gaudens, & inter superiores Angliæ nobilitatem, annuuntur 1002
Remissio generalis: Indulgentia Regis qua & crimina omnia (exceptis qua in Instrumento Remissionis speciatim recen-
- sentur) & multa, aliæque solutiones Regi debita absolentur. Illa quandoq; à Rege solo emanat, quandoq; à Rege addita auctoritate Parliamenti 1003
Inferior Consessus: in Comitibus Ordinum sunt duo Consessus: alter superior dicitur, qui consistit ex Prælati & Proceribus: alter inferior, qui completitur, per representationem, univærsam populum Regni. Atq; alteruter Consessus habet votum negativum in omnibus 1004
Equites & Burgenses Parliamenti: Deputati Communitatis. Equites, à populo, per agros, & oppida in Burgos nõ erecta, eliguntur; Burgenses ab oppidis, eo privilegio à Rege donati 1004
Beaccharii Camera: Locus, in quo iudices majores conveniunt; Cum aut à Rege consuluntur, aut propter vota æqualia in Curijs minoribus omnes deliberant, & Suffragia reddunt: aut minorum Curiarum iudicia retractant. ibid.
Vice-Comes: Gradus dignitatis inter Comitem & Baronem medius 1005
Dominus Thesaurarius: Præfectus Erarii, siue Quæstor univærsalis Regni. Quæ dignitas est post illam Cancellarii secunda 1006
Custos privati sigilli: Privatum sigillum diplomata Regis, Regia manu firmata exoptit, & ad magnum sigillum transmittit ibid.
Heraldi: Patres patrati, aut Fœciales, qui bella denunciant, in compluribus solemnitatibus adhibentur, & armorum insignia distribuunt 1007
Iudices de Banco Regis: Iudices Curia, qua tractat causas criminales & Violationes Pacis 1008
Regii Hospitii Contra-Rotulator: Officiarius ex iis, qui Regis hospitio, quantum ad expensas ejus, præsumt 1009
Subfi-

- Subsidiaria Pecunia: Pecunia, quas Parliamentum Regi conceditur, vocantur subsidia 1031
- Camera Stellata. Camera Alba. Curia Banci Regis. Curia Banci Communis. Curia Scaccharii. Curia Cancellariae. Vide expositionem horum vocabulorum omnium, in Historia ipsa 1034
- Fines: Finitis est instrumentum, quo hereditates transferuntur: eamq; habet vim, ut omnium iura, si mira tempus non agant, extinguat 1037
- Statutum de non Clameo: Lex est, qua sub tempora belli, cum homines iuri suo afferendo plerumq; non vacarent, lata erat, & vim illam Finium destruxit, qua tamen postea per aliud statutum restituebatur. ibid.
- Dominicum: Possessiones, qua non sunt Feudales, sed in manibus Domini 1038
- Iustitiarum assisarum: Iudices itinerantes, qui statim temporibus, provincias Regni visitant & Causas terminant 1039
- Publicae Sessiones: Convencus iustitiariorum ordinariorum, qui Pacis vocantur, & causas nonnullas Regia Auctoritate muniti determinant ibid.
- Auxilium a Tenentibus: Pecuniarum summa, quas Domini a Tenentibus suis exigere iure possunt, ad Nuptias Filii nati majoris, vel promotionem Filii primogeniti in ordinem equitum. 1050
- Beneficentia: Genus impositionis in Subditos, per speciem donationis voluntaria, sed habens quiddam ex compulsorio 1051
- Protectiones: Litera Regis, quibus conceditur alicui, ne in iudicium vocetur 1052
- Alienationes: Translationes possessionum a Tenentibus Regis, pro quibus debetur solutio certa Regi ibid.
- Insigne Ordinis Periscelidis: Equites Ordinis Periscelidis, sunt Equites dignitatis castoris, qui Periscelide circa tibiam, paludamento honorifico, & torque aureo ornantur; Patrorum habentes S. Georgium 1058
- Hospitii Regii Camerarius: Officiarius ex honoratioribus, qui de Cubiculo Regis, qua supra gradus sunt, & eorum ornata disponit 1064
- Equites de Balneo: Ordo Equitum, qui Balneo tinguntur, & tempore coronationis tantum, aut cum Filius Regis primogenitus creatur Princeps Walliae, ordinantur 1069
- Merca: Summa pecunia, valoris duorum ducatorum & paulo amplius 1070
- Libra: Summa pecunia, valoris trium ducatorum & paulo amplius ibid.
- Antiquus Census: Valor terrarum, qualis per antiquas inquisitiones relatus est. ibid.
- Aldermannus Civitatis Londinensis: Pnus ex Senatu Civitatis, cui regimen civitatis praecipue incumbit: ex quorum numero, Praefectus annuus eligitur. 1074
- Servientes ad Legem: Dignitas, in quam per Regem cooptantur Advocati. 1075
- Breve de Atincta: Vide expositionem vocabuli in Textu Historiae 1078
- Juratores: Iudices facti ibid.
- Verdictum: Pronunciatum Iudicum Facti ibid.
- Indictamentum: Prima inquisitio per Iudices facti capta, qua peremptoria non est, sed accusationis tantum loco. ibid.
- Tallagium: Exactio pecuniarum, super merces, auctoritate Regia solum munita 1082
- Mercatores Adventurarii: Peculiaris Societas Mercatorum, commercium exercens cum Belgis 1084
- Custos Rotulorum: Officiarius, qui Custodiam habet Archivorum 1085
- Quindecimae: Auxilii Pecuniaris genus, auctoritate Parliamenti tantum concessum; sonans ac si esset decima quinta pars bonorum, sed consuetudine in solutionem certam, & longe minus gravem, redactum 1085
- Servitium Scutagii: Obligatio Tenentis, qua astringebatur ad bella cum Scotis 1086
- Vice-Comes: Peculiaris in quaque provincia Magistratus annuus, cui munus incumbit mandata Regia, vel circa iustitiam, vel circa militiam, exequendi 1089
- Crux de Cheape-side: Crux aurata: qua in principali platea urbis Londini erecta est 1099
- Commisarii de Audiendo & Terminanda: Iudices speciales, qui de re nata, aut alias a Rege assignantur, ad causas criminales determinandas 1103
- Seneschallus magnus Angliae: vice-Magistratus Excelsus qui pro uno die, a Rege ordinatur, cum aliquis ex Proceribus Regni, in iudicium vocatur de noxa capitali 1104
- Magister Ceremoniarum: Officiarius designatus ad Legatos externos excipiendos, & rerum procuracionem, qua ad eos pertinent 1109
- Tenura in Capite: Tenura immediata, de Corona aut Persona Regis, non de Baronum, aut Praefato superiore, aut huiusmodi 1112
- Custodia Minorum: Ius, per quod Custodia haeredum, minoris aetatis, qui tenent per Servitium Equitum, pertinet ad Dominum ibid.
- Liberatura, Prima Scilina: Ius Domino accrescens, ad summam Pecunia, quamprimum haeres sint plena aetatis. ibid.
- Ut legati: Proscripti ex formula Legis, vel propter Capitalia, vel propter Contemptum & contumaciam ibid.
- Prolocutor inferioris Confessus: Is, qui a confessu inferiore Parliamenti electus, in rebus tractandis, praesidet & moderatur. 1115

F I N I S.

FRAN-